

3. Vnde factum, ut Ioviniani heresin nostris Ecclesiis absque rubore impingerent Pontificij; quem Ieiunia & alias huiusmodi corporales exercitationes simpliciter repudiasse, aliqui (sed præter historiarum fidem) scriptitant.

4. Huic ergò criminationi obviam ituri Protestantes, partim in genere, suam de traditionibus Ecclesiasticis mentem & sententiam, Articulo Confessionis nostræ decimoquinto exposuerunt: partim verò in specie quarundam traditionum Pontificiarum ἀνασχευήν Refutationem. & eam quidem longè absolutissimam, in sectione altera confessionis nostræ, quæ est de abusibus mutatis, instituerunt: Art. 2, 5 & 6.

5. Obtigit autem Articulo huic decimoquinto indigna prorsus variatio, quæ totalem Prototypi mutationem, imò veriùs abolitionem moliri videtur.

6. Præbuit hæc variatio Adversarijs uberrimam calumniandi segetem, quam arripiens Andreas Harm. Fabritius, Lesdius ille, prototypi puritatem his britii pag. verbis insectatur: 1. In prototypo generatim 260. 2. de omnibus ritibus Ecclesiasticis loquuntur: In exemplari variato ad eos duntaxat contrahunt, qui humana ratione sint instituti, agnoscentes generalem illam reprehensionem esse impiam & temerariam. 2. Cùm ad ritus retulissent etiam in prototypo festæ, in exemplari variato nullam festorum mentionem faciunt, eorumq; locutiones reponunt. ne